



Inatsisartuni ilaasortaq Olga P. Berthelsen
Inatsisartut
/Maani

KNI A/S pillugu § 37 naapertorlugu Olga P Berthelsen

05. sep 2011
Sagsnr. 2011-054656
Dok. Nr. 718257

Inatsisartut Suleriaasianni § 37, imm. 1 naapertorlugu apeqquteqaatitit, ulloq 22. august 2011 tigumasavut, matumuuna akissuteqarfigissavakka.

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.nanoq.gl

Ukua apeqqutigisimavatit:

1. Nunaqarfiit isorliunerusullu soorliit KNI-p isertitakinneruffigivai?
2. Suleriaatsit periaatsillu allangortinniarneqarnerini KNI-p nunaqarfinnut isorliunerusunullu sullissinerata sulii naammaginatsumik ingerlanneqarnissaa qanoq qulakkeerniarneqarpa?
3. KNI Pilersuisumi suleriaatsit periaatsillu allangortinneqarnissaat pillugit pilersaaruteqartoqarpa? Taamaattoqarpat, pilersaarutit taakkua qaqugu pisussatut takorloorneqarpat?
4. Naleqqussaaneq maanna ingerlanneqartoq, sulisunik soraarsitsiortornissamik kinguneqassava?
5. Maanna KNI 100 milliuunit sinnerlugit sinneqartooruteqarpoq. Nunaqarfiit isorliunerusullu eqqarsaatigalugit sullissinissamik isumaqatigiissutissami maanna KNI-p Naalakkersuisullu akornanni ingerlanneqartumi, nunaqarfiit isorliunerusullu pilersorneqarnerisa pitsannngorsarnissaannut akissaqartoqarpa?
6. Taamaangippat aningaasat sinneqartoorutaasut sumut atorneqarnissaat eqqarsaatigineqarpa?

Aallaqqaasiutigalugu erseqqissaatit KNI A/S-ip sinneqartoorutaasa imminnut qanoq ataqatigiinnerat nassuiassavara naatsumillu kiffartuussinermut isumaqatigiissutit nasuiarlugit. KNI A/S –p ingerlatsiviini Polaroiil aamma Pilersuisoq pingaarnerupput. Ukiu-moortumik naatsorsuutini kingullerni akileraarutit ilanngaatigeqqaarnagit KNI A/S 102,2 mio. kr.-inik sinneqartooruteqarpoq.

- Polaroiilimi sinneqartoorutit akileraarutit ilanngaatigeqqaarnagit 63,6 mio. kr.-iusimapput.
- Pilersuisumi sinneqartoorutit akileraarutit ilanngaatigeqqaarnagit 34,9 mio. kr.-iusimapput.
- Sinneqartoorutit sinneri ingerlatanit allaneersuusimapput.

Akileraarutit ilanngaatigereerlugit KNI A/S-imi ukiumi angusat 69,7 mio. kr.-iusimapput.

Polaroili tankeqarfinnik aserfallatsaaliinissaminut kinguaattooruteqarpoq. Ukiuni naatsorsuorsiorfiusumi kiffartuussinermut isumaqatigiissusiortoqarsimavoq, ingerlatseqatigiiffik kiffartuussinermut isumaqatigiissutip iluani isumaqatigiissutigineqartut naapertorlugit uuliamik tunisaminik iluanaaruteqarsinnaalersillugu. Ingerlatseqatigiiffiup iluarsartuussinissami aserfallatsaaliinissamilu suliaasat pisariaqartut, Polaroilip tunisassiornikkut sillimaniarnikkullu illersorneqarsinnaasumik ingerlatsiviata aningaasanik taarsigassarsiniaqqaarnani ingerlanneqarsinnaanissaanik tamanna pissuteqarpoq. Polaroilip kiffartuussinermut isumaqatigiissutaasimasoq akissarsissutiginnigilaa, kisiannili kiffartuussinissamik sapinngisarlu tamaat pissarsissuteqarnissamik piumaffigineqarsimalluni.

Pilersuisoq

Pilersuisumissaaq kiffartuussinermut isumaqatigiissusiortoqarsimavoq. Isumaqatigiissummi taassumaniipput KNI A/S-ip nunaqarfinni, isorliunerusuni nunaqarfinnilu minnerni pisiniarfiini kiffartuussinerup qaffasissusissaa.

KNI A/S pillugu Inatsisartut peqqussutaatigut aalajangersarneqarpoq, ingerlatseqatigiiffik niuernerpalaartumik tunngaveqarluni ingerlanneqassasoq. Ingammik pisiniarfiit minnerit niuernerpalaartumik tunngaveqarluni ingerlanneqarsinnaannginnerat pissutigalugu, KNI A/S-i isorliunerusuni nunaqarfinnilu taakkunani kiffartuussinissap qaffasissusissaa-nik attassiinnarnissaaq anguniarlugu akilerneqartarpoq.

1-imut.

KNI A/S-ip apeqqutigineqartumut atatillugu ilisimatitsissutigisimavaa, nunaqarfiit kaaviiartitakiffiunerpaat tassaasut:

Qeqertat	t.kr.	650
Saarloq	t.kr.	1.492
Kangerluk	t.kr.	1.494
Qassimiut	t.kr.	1.517
Siorapaluk	t.kr.	1.815

2-mut.

Inatsisitigut aalajangersarneqarsimavoq, KNI A/S niuernerpalaartumik tunngaveqarluni ingerlanneqassasoq. Nunaqarfiit, isorliunerusut illoqarfillu minnerit pilersorneqarnissaat qulakkeerniarlugu, ingerlatseqatigiiffik kiffartuussinermut isumaqatigiissusiortifigineqarsimavoq. Isumaqatigiissutini taakkunani kiffartuussinerup minnerpaaffissaa aamma aalajangersarneqartarpoq.

Piffissami matumani Namminersorlutik Oqartussanik kiffartuussinermut isumaqatigininniarnarit ingerlapput, isumaqatigininniarnarnilu taakkunani soorunami aamma ilaavoq, siunissami qanoq ililluni pilersuinerup qulakkeerneqarnissaata niuernikkullu ingerlatsinerup akuleriissillugit qulakkeerneqarnissaat.

Pilersuisoq ukiuni kingullerni – taamatutaaq ukiuni aggersuni isertitaqartussaasariaqar-nissaminut annertuumik tatisimaneqassaaq, tassami niuernerni pingaarutilinni arlalinni ineriartornerup ilorraap tungaanuunngitsoq ingerlanissaa naatsorsuutigineqartariaqar-mat. Uani ilaatigut pineqarput, inuussutissarsiutinit aalajangersimasunit annertuumik nutsernerit, pisisinnaassutsip appariartornera aamma kaaviiartitakinneruleriartorneq il. il.

Unammilligassat taakku malitsigisaannik niuernikkut pissutsit periusissallu nutaat ine-

riartortinnissaasa qulakkeernissaat suliaavoq ingerlaavartoq, kiffartuussinerup silatusaartup naammattullu qulakkeerneqarnissaanut tunngaviliisuujutigaluni aningaasaqarnerup patajaatsuunissaanik isumannaarisussa.

Erseqqissassallugu pingaaruteqarpoq, Pilersuisup ingerlanneqarnera ulluinnarni tamatigut ingerlanneqartarmat, anguniakkat pingaarnerit marluk piviusunngortinnissaat siunertaralugu:

- Nunatsinni inukinnerpaaffiusuni inuunerup naammaginartumik attannissaanut ulluinnarni pisiassanik pisariaqartunik pilersuineq.
- Ingerlatseqatigiiffimmi akiitsut annikillisarluarlugit, ingerlatseqatigiiffiup aningaasaqarnikkut tunngavianik qulakkeerisussamik, niuernerpalaartumik ingerlatsinerup ingerlanneqarnissaa. Ilutigitillugu siunissami aningaasaliinissanut aserfatsaaliuinernullu aningaasartuutit aningaasanik atorniarnikkut aningaasalersornissaat pinngitsoortinniarlugu ingerlatsiviup aningaasaateqarnera qulakkeerneqartariaqarpoq.

Anguniakkat pingaarnerit taakkua Pilersuisup ingerlanneqarneranut tunngaviulluinnaq-qissaarput, KNI-ilu inuiaqatigiinni niuernerimik allat niuernerimut tunngasumik peqquteqarlutik ingerlakkumangisaannik ingerlassinnaangisaannilluunniit inuiaqatigiinni niuernerimik ingerlataqarnissaminut pisussaavoq.

3-mut.

Niuernikkut periusissaq ingerlatseqatigiiffiup sulinermini aallaavigisaa, ingerlatseqatigiiffiup unammilligassaanut naleqqunnersoq imaluunniit tulluarsaanissamut pisariaqartitsisoqarnerisooq ingerlaavartumik nalilersugassaapput.

Pilersuisup unammilligassaanut tunngatillugu, maannakkut periuserineqartup nalilersornissaanut pisariaqartitsisoqarpoq. Tassunga ilaapput, kiffartuussinerup pitsaassusaata silatusaartumik ingerlatseqatigiiffiullu aningaasaqarnikkut silatusaartumik ingerlanneqarnissaata qulakkeerneqarnissaa siunertaralugit, siunissami pisariaqartinneqartussat allannguutissat pillugit misissoqqissaarnissaat.

Allannguutit, periusissap nutaap piumasaqaatigisassai, ingerlaavartumik atuutilersinneqassapput, taamaattumillu ukiumi naatsorsuusiorfiusumi matumani aallarnisarneqarnissaat eqqarsaatigineqarpoq

Naalackersuisut KNI A/S-ip 2011-mi ataatsimeersuarnerani oqariartuutigaat, ingerlatseqatigiiffiup kiffartuussinerimik ingerlataqartutut pisisartut pisariaqartitaat piumasaqaataalu maluginiassagai naatsorsuutigineqartoq.

Naalackersuisut Namminersorlutik Oqartussat aktiaatigineqatigiiffii pillugit nalunaarutip, UKA2011-mi oqaluuserineqartussat naatsorsuutigineqartup, suliarineqarnissaa sulisutigisimavaat. Tassani ingerlatseqatigiiffinni siulersuisut anguniakkanik uuttorneqarsinnaasunik suliaqarnissaat anguniarneqarpoq. Anguniakkat taama ittut KNI A/S-ip kiffartuussinerup pitsaassusaata aalajangersimasup attatiinnarnissaanik imaqarsinnaapput.

4-mut.

KNI A/S-ip niuernikkut periusissaanut ilanngullugu ingerlaavartumik patajaallisaasoqas-

saaq, taammaasilluni ingerlatseqatigiiffiup inuiaqatigiit immikkoortuinik pilersuineq angorlugulu qulakkeerniassammaq. Patajaallisaaernerit taakkua malitsigisaannik sulisunik ikilisaasoqarsinnaavoq. Taamaasiortoqassappat sulisunik ikilisaaneq sapinngisaq tamakkerlugu nammineerluni soraarnikkut imaluunniit suliffimmut allamut nuunneqarnikkut pisassaaq.

Tunngaviumik aningaasaqarnermik imminut attassinnaasumik kissaateqarnermik anuniagaqarnermi Naalackersuisut kissaatiginngilaat, Namminersorlutik Oqartussat ingerlatseqatigiiffii aqcutigalugit suliffissaqartitsiniarnermut politikkeqarnissani. Paarlattuanik Naalackersuisut suliffeqarnermut politikkeqarnikkut iliuuseqarneq aqcutigalugu suliffissaaleqinerup annikillisarneqarnissaa inuussutissarsiorinnikkullu pitsaasumik killissarititanik pitsaasunik pilersitsinissaaq kissaatigaat.

5-imut aamma 6-imut.

Polaroilimi sinneqartoorutit (63,6 mio. kr.-it) tunisassiorinnikkut sillimaniarnikkullu illersorneqarsinnaasumik aningaasanik taarsigassarsiniaqqaarnani ingerlatsinissap qulakkeerneqarnissaanut atorineqarput.

Taamatuttaaq Pilersuisumi sinneqartoorutit (34,9 mio. kr.-it) ilaatigut ingerlatseqatigiiffiup aningaasanik taarsigassarsiniaqqaarnani akiitsuisa ikilisarneqarnissaannut ilaatigullu siunissami aningaasaliinissamik nutaanik periarfissamik pilersitsinissamut aserfallat-saaliinissamullu atorineqassapput. Aningaasaliinerit kiffartuussinerup pitsanngorsarneqarnissaanut aningaasanillu isaatitsinissamut periarfissanut pingaarnertut siunertaqartut ikorfartuutaassapput. Iliuusissatut pilersaarutinissaaq isertitaqarnerup pitsaasup attatiinnarnissaanut, taamaasillunilu siunissami pisariaqartinneqartunik aningaasaliinissamik pingaarnertut siunertaqartunik aallarnisaasoqarsimavoq.

Naalackersuisut Pilersuisup sinneqartoorutaasa politikikkullu najugaqarfinni inukinnerusuni kiffartuussinerup pitsaassusaata attatiinnarnissaata imminnut akerleriinnerat takusinnaangilaat. Akerlianilli ingerlatsivimmi aningaasaqarneq pitsaasoq kiffartuussinerup pitsaasup siunissami attatiinnarneqarnissaanut qulakkeerinntuusussaavoq. Taamaallunilu Pilersuisup siunissami qanoq isilluni aningaasanik isaatitsinerminik attasiinnarnissaata, tassungalu ilutigitillugu kiffartuussinerup pitsaassusaata attatiinnarneqarnissaa pillugit iliuuserpassuit aallartinneqareerput.

Nunarsuarmi aningaasarsiorinnikkut ajornartorsiorneq Namminersorlutillu Oqartussat ingerlatseqatigiiffiisa ataatsimut akiitsui eqqarsaatigalugit, Naalackersuisut pingaartut isigaat, ajornanngippat Namminersorlutik Oqartussat ingerlatseqatigiiffiisa Namminersorlutik Oqartussanit tamakkiisumik ilaannakortumilluunniit pigineqartut akiitsuisa ikilisarneqarnissaat. Akiitsut ikilissappata, ingerlatseqatigiiffik soorunami sinneqartooruteqartariaqarpoq.

Naalackersuisut nalunaarusiaq ingerlatseqatigiiffinni Namminersorlutik Oqartussani pigineqartuni ingerlatat amigartooruteqartut sinneqartooruteqartunit matussuserneqartarnerannik ersersitsisussaaq aallarnisarsimavaat. Amigartooruteqartut sinneqartooruteqartunit matussuserneqartarnerat soorlu assersuutigalugu pisarpoq, suliffeqarfissuaq tunisassioritunit imaluunniit immikkoortortamit ingerlalluartumit ingerlalluannnginnerusumut aningaasanik nuussigaangat. Eqqortussaaq pinerullugu taarusuppara amigartooruteqartut sinneqartooruteqartunit matussusiisarneq Polaroil –p KNI-llu akornanni pisoq KNI-p

Namminersorlutik Oqartussanut kiffartuussinernut isumaqatigiissutaat naapertorlugu akuerisaanngimmat,

Nalunaarusiaq ingerlatseqatigiiffinni aningaasat sumit sumullu ingerlaartarnerannik ersersitsinissamik pingaarnertut siunertaqarpoq. Tamatuma kingorna eqqarsaatersuutigineqarsinnaavoq Namminersorlutik Oqartussat aningaasanik pingaarnersiuisalernissaat tulluarnernunnginnersoq. Tamanna ingerlatseqatigiiffiup iluanaarutaanik agguaassinikkut pisinnaavoq Namminersorlutillu Oqartussat aningaasanik kiffartuussinermut isumaqatigiissutikkoortillugit pisariaqartitsinerusunut ingerlatitseqqiinerisigut. Taamaasiornerup sinneqartooruteqartut amigartooruteqartunik matussusiisarnerat takujuminarnerulersitseqataaffigissavaa taamaasillunilu politikikkut piffinni niuernerpalaartumik ingerlatsinissamat tunngavissaqanngitsuni qaffasissumik kiffartuussinissap politikikkut pingaarnersiorneqarneranik ersersitsisuussalluni.

Inussiarnersumik inuulluaqqusillunga

Kuupik Kleist

for M. Abelo